

山綠水五人共賞風月

贈獲喜王法師

譚風偏喜王三父夙世良緣休更推延妻惡兒嫌出世
行外用無爲作囚馬擒猿不返家園定做逍遙物外仙

慕山溪

修行鍛鍊休覓嬰和姪認取本元初起塵埃須除莫惹常生正
覺宜向觸來看絕人情去浮囂俗事般般捨長行坦蕩閑裏
調和假空裏做真修恁清清冷冷脫灑日中靜損真正合虛無
樂逍遙趣閑閑步步無生也

道藏輯要

水雲集

三

胃集五
川X

老悟卽便抽身拚榮華絕財色樂道超淨世
恩情愛戀鼎內如魚戲休論早修持甚一日推他一日風人低勸微語破迷癡
早下手速爲之做箇前程計

青玉案喝馬

師真引入修行路默默無言句慢慢持修歸真素般般返照盡
成空馬兒悟證內外無塵慮真清真淨投真處細細搜尋妙
玄趣勘破浮華清虛做降魔劍斷孽緣休馬兒度步步入長生
戶

阮郎歸

詠茶

陰陽初會一聲雷靈芽吐細微玉人製造得玄機烹時雪浪飛

明道眼醒昏迷苦中甘最奇些兒真味你還知煙霞獨步歸
閑閑雲水任東西靈空一片隨昏昏默默往來飛前程事已知
真大道出塵機般般種種離重陽許我白牛兒而今便是誰

卜筮子

四大因緣做苦海憑船渡一棹清風到岸頭得上無生路人
歎風貧苦我步閑閑趣脫體全空沒一文勝似石崇富
自入玄門戶寂淡清虛做靜裏披搜四假身勘破塵行路悟
上還重悟得得真閑趣收住身中無價真豈逐人情去
風漢閑中做彼岸神舟渡萬里晴空無片雲月照曹溪路割
斷冤情苦默默明玄趣一任傍人笑我貧肚裏非常富

道藏輯要

水雲集

三

胃集五
X二二

沁園春

愛欲無涯有限形軀休苦苦疲這宿緣分有兒和女是他家衣
飯各自相隨謾使心機空生計較大限臨頭孰替伊當須悟早
抽身物外也是便宜 蹉跎下手猶遲切莫外週遊覓妙微但
塵心起處皆魔孽認元初本有鍛鍊昏迷真靜真慈玄波滌蕩
自在逍遙境上持千朝後現靈臺一點射無爲

虛幻浮華百歲光陰歎一刹那謾區區碌碌爭名利縱榮華富
貴貪得如何蜃氣樓臺虹橋碧落些子時光長久麼聞強健出
熬熬苦海速上高坡 聰明切勿蹉跎算世事皆空身莫過認
元初本有無窮寶染塵埃蒙昧慢慢揩摩保養靈根頻頻澆澆